

Land habint Wâ die och sesshafft oder Wonhafft sint. Wir vorgeanter Grâf Albrecht Und och dis obgedachten vnser Burg / herren vnd lût all gemainlich . Es sigint Amptlût oder ander lût . wie die gehais- sen oder genant sint Rich vnd Arm . Sigint Ain tail des Bundes vnd der verainung Als hie nâch geschriben stat. So sigint Wir dis nachbe- nempten lût der / Ander tail des selben Bundes. Des ersten . Wir der Ammann der Rât vnd och die Burger all gemainlich Rich vnd Arm der Statt ze Veltkilch . dârnâch der Burgherr vff der Vesti genant die Wâlsch Râmschwâg⁸ gelegen jn Walgô . Vnd alle / die lût die dârzû gehôrent . der Burgherr vff der Vesti Tôsters⁹ vnd alle die lût die dâr zû gehôrent . Dârnâch der Landamman vnd die lût gemainlich jn dem gericht ze Rankwil vnd alle die lût die jn daz selb gericht gehôrent . Vnd mit / namen alle die lût die jn der Rifier vnd Gegnû . zwüschent der egenanten Statt Veltkilch . Santainser Clus.¹⁰ dem Bach der enhalb Sigâvis¹¹ durch Santainser holtz abgât . vnd gehaiszen ist Awanera . zwüschent Veltkilcher Clus der Jll vnd / dem Rin . sess- hafft ald wonhafft sint. sunderlich die zû der Herrschafft gen Velt- kilch gehôrent. dârzû die Walsser Jn Tumulls¹² vnd jn Glat- terns¹³ vnd mit namen alle die Walsser die jn der selben herrschafft gebirgen gericht Twingen vnd Bân- / nen sesshafft oder Wonhafft sint. Und dârzû die vesti genant die Alt Montfort.¹⁴ vnd alle die lût die sunderlich dârzû gehôrent . es sig vff frachsneran¹⁵ ald and- erswâ. Der Burgherr vff der Nûwen Montfort¹⁶ vnd alle die lût die dâr zû gehôrent / es sig ze Getzis ald anderswâ. Der Burg- herr vff der vesti fûssach.¹⁷ der Amman vnd die lût och gemain- lich da selbs ze fûssach.¹⁷ der keller des kelnhofs ze hõchst vnd alle die lût die in den selben kelnhof gehôrent es sig ze Brug¹⁸ ze hõchst / Ald anderswâ vnd mit namen alle die lût. die jn der Gegnû von Getzis hinab zwüschent dem Rin vnd der fûssach¹⁹ als dû baidû Wasser jn den Bodensew Rinnent . sesshafft vnd wonhafft sint sunderlich die och zû der herrschafft gen Veltkilch / gehôrent . Dâr zû der Amman vnd die lût gemainlich ze Dôrren- bûrren ze Stiglingen²⁰ vnd ze knûwen²¹ die och in die selben herrschafft gen Veltkilch gehôrent . Dârnâch der Amman vnd die lantlût gemainlich jn dem hindern vnd vordern / tail²² des Bregentzer Waldes vnd och die lût gemainlich an der langen- egg²³ die och in die selben tail vnd zû der herrschafft gen Veltkilch